



册府元龜
卷之七百十六
至十七



13
849
234



門 4 3
849
卷 234



册府元龜

淮南李嗣京叅閱

西極文翔鳳訂正

豫章黃國琦較釋

幕府部

總序

周禮六官六軍並有吏屬大則命於朝廷次則皆自
辟除春秋諸國有軍司馬尉候之職而未有幕府之
名戰國之際始謂將帥所治為幕府秦分天下為郡
屬官有丞邊郡有長史主兵漢丞相三公開府置掾

史司隸刺史有從事史佐京尹守相有掾史曹屬皆幕府之職也文帝二年丞相府置兩長史秩千石武

帝時有三長史又分丞相長史為兩府

三長史蓋有守者非正員

故也至劉屈氂為相始分丞相長史為兩府

元狩五年初置丞相司直比

二千石掌佐丞相舉不法其餘察屬之職逮於中興

名次大備太傅太尉司空府皆有長史一人掾屬令

史御屬各有差

大傅掾屬二十四人令史御屬三十人太尉掾屬同太傅加置令史御

屬一人司徒皆置掾屬八人令史御屬十三人司空減司徒掾屬二人加置令史御屬八人正曰掾副曰

屬長史掌署諸曹事掾屬則西曹主府史署用東曹

主二千石長史遷除及軍吏戶曹主民戶祠祀農桑

奏曹主奏議辭曹主辭訟法曹主卸驛科程尉曹主

卒徒轉運賊曹主盜賊決曹主罪法兵曹主兵金曹

主貨幣鹽鐵倉曹主倉穀令史則有閣下令史主閣

下威儀記室令史主上章表報書記門下令史主府

門其餘令史各典曹文書御屬主為公御職如錄事

太尉府別有黃閣主簿錄省衆事司空別有橋道掾

主橋道大將軍驃騎將軍府有司馬一人從事中郎

二人長史掾屬司空府令史御屬減司徒府五人

騎衛將軍無長史司馬又減大將軍掾屬九人御屬

六人別有部集一人總知營事兵曹掾史主兵事器

械稟假掾史主稟假禁司外刺姦主罪法皆無員其
 願兵外討則營有五部部置較尉軍司馬各一人部
 有曲曲置軍候一人曲有屯屯置長一人若不置較
 尉則部但有軍司馬假軍候其別部則有別部司馬
 其餘將軍置以征伐者則府無員職唯有部曲司馬
 軍候以領兵其城門屯騎越騎步兵胡騎射聲等較
 尉各有司馬一人主兵使匈奴郎將護羌護烏桓等
 較尉皆置從事二人有事隨事置掾因而為員司隸
 較尉有從事史二十人假佐二十五人都官功曹別
 駕簿曹兵曹等從事主簿門亭長功曹書佐經師月

令師律令師簿曹都官等書佐皆無員所部郡國各
 有從事書佐一人刺史省都官從事改功曹從事為
 治中從事餘官同司隸河南京兆等尹有掾史五人
 四部督御史部掾二十六人案獄仁恕掾二人監津
 渠漕水掾二十五人卒史三百五十五人文學守助掾
 六十人書佐五十人循行三百人幹小史二百一人
 郡守官屬有掾史督卸倉功等曹史不備載其職光武建武
 中置司徒司直尋省又罷邊郡丞以長史領職明帝
 增驃騎將軍長史掾史員為四十人四府長史掾史皆無四十人東
平王莽為驃騎明帝特置四十人以優之和帝時竇憲為車騎將軍置官

屬如司空府又置中護軍一人與參謀議安帝置右
 扶風都尉京兆虎牙都尉皆置諸曹掾史略如公府
 無東西曹及令史別有功曹史主選署功曹及諸曹
 事五部督御曹掾主監屬縣亭長主正門記室史主
 錄記書催期會閣下及諸曹各有佐幹主文書桓帝
 元嘉二年置禮儀大將軍增掾屬令史置舍人各十
 人特以梁冀為禮儀大將軍靈帝時以九卿出為州牧大嘗劉焉劉虞為幽州大僕黃琬為豫州其任漸重官屬有別駕從事史主財
 穀簿書兵曹從事史主兵簿主錄閣下衆事省署文
 書門亭長主州正門功曹書佐主選用考師主試經

月令師主時節祭祀律令師平律簿曹佐主簿書各
 一人部郡從事史主察非法郡書典書佐主一郡文
 書每郡各一人獻帝建安十二年置中護中軍領軍
 各有長史司馬員魏武帝為丞相置左右長史各一
 人徵事二人省西曹掾是時三國鼎峙官府吏屬各
 因漢制如有正行參軍行參軍員後晉景帝為魏大
 將軍置東西戶倉賊金水兵騎兵等曹掾各一人不
 置屬文帝為相國府官置中衛驍衛二將軍左右長
 史司馬從事中郎主簿各四人舍人十九人參軍二
 十二人參戰十一人後復置左右戶賊金水兵等曹

屬各一人倉曹屬二人增置鑿集法奏等曹掾屬各一人士馬媒等曹屬各一人散屬九人晉初諸公開府位從公驃騎車騎衛將軍伏波撫軍都軍護鎮中軍四征四鎮龍驤典軍上軍輔國等大將軍左右光祿光祿三大長史一人西東閣祭酒西東夫開府者皆為位從公曹掾戶倉賊曹令史屬各一人御屬各下令史西東倉戶賊等曹令史門令史記室省事令史閣下記室書令史西東曹學事各一人司徒加置左右長史各一人主簿左西曹掾屬各一人改西曹為右西曹司空加置導橋掾一人其加兵者增置司馬一人從事中郎二人主簿記室督掾各一人舍人四人兵鎧士

曹營軍刺姦帳下都督外都督令史各一人為持節都督者增參軍六人驃騎以下及大將軍不開府非持節都督及三品將軍者置長史司馬各一人王簿功曹史門下督錄事兵鎧士賊曹營軍刺姦帳下都督功曹書佐門下書史各一人州刺史置別駕治中從事主簿門亭長錄事記室書佐諸曹佐守從事武猛從事都水從事等吏四十一人所領郡各置部從事一人邊州又置弓馬從事五十餘人徐州別置淮海從事涼州別置河渠從事荊州別置監佃督各一人涼益州又加置吏員八十五人郡置主簿主記室

門下賊曹議生門下史記室吏錄事史書佐門下書
 佐循行幹小史五官掾功曹書佐循行小史五官掾
 文學掾等員 河南郡京師所在則置尹王國以內史
 掌太守事其吏屬並同凡郡國戶減五
 千者職五十人散吏十三人五千以上加職吏十三
 人散吏八人萬戶以上又加職吏六人散吏十八人
 武帝初置左右衛將軍亦有長史司馬功曹主簿員
 後安平獻王孚為大宰而分府兵鎧士營軍刺姦五
 曹增置屬楊駿為太傅又增祭酒為四人分兵曹為
 左右法金田集水戎軍馬等曹皆置屬趙王倫為相
 國置左右長史司馬從事中郎四人叅軍二十人主
 簿記室督祭酒各四人東西曹又置屬餘十八曹加

置掾諸曹又皆置御屬令史學幹等員東海王越為
 丞相府又置行叅軍兼行叅軍元帝初為鎮東將軍
 置錄事叅軍為丞相置從事中郎分掌諸曹有錄事
 度支三兵等中郎以諮議叅軍主諷議事有錄事記
 室東西度支戶法金倉理中兵外兵騎兵典兵兵賊
 運禁防典賓鎧用士騎士車直兵長流刑獄城局水
 右戶墨等曹其后公府止置長史倉曹掾戶曹屬東
 西閣祭酒各一人主簿舍人二人御屬二人令史無
 定員領兵者置司馬一人從事中郎二人叅軍無定
 員加崇者置左右長史司馬從事中郎四人掾屬四

人增置倉曹屬戶曹掾領兵者又置軍諮祭酒叅軍
 督護以領兵中護中軍領軍府增置功曹主簿出征
 則置叅軍時又有長兼叅軍除拜則為叅軍事五校
 亦置司馬功曹主簿員後省五校屯騎步兵越騎又長水射聲校尉也
 罷左右衛將軍長史員成帝咸康中置江州別駕祭
 酒省諸郡丞宋高祖為相止置諮議錄事記室戶倉
 外兵騎兵長流賊刑獄城局法田水鏡士集右戶墨
 等曹叅軍皆無員合中兵直兵置一叅軍曹仍舊為
 二自後公府皆循其制而小府省長流叅軍置禁防
 叅軍諸府叅軍督護罷領軍兵騎將軍以下為刺史

都督儀同三司者置官屬並如公府都督不帶儀同
 者不置從事中郎置公曹一人主吏在主簿上刺史
 則有別駕從事史治中從事從主簿西曹書佐祭酒
 從事史部郡從事史揚州無祭酒以主簿治事荊州
 別有從事史廣州徐州別有月令從事豫州別有長
 史叅軍別駕西曹主吏及選事西曹郎漢之功曹也治中主衆曹文書祭酒分掌諸曹事
 郡屬卒因前制文帝元嘉四年定置郡官略如公府
 無東西曹有功曹史主選舉五官掾主諸曹部縣有
 都御門亭長主記史催督期會齊州郡之職亦循前
 制三公府置左右長史左西曹掾屬主簿祭酒令史

從事中郎倉曹掾戶曹屬東西閣祭酒主簿舍人御
屬等員加崇者長史以下並增員數大將軍位從公
開府儀同等府置左長史司馬各一人諮議以下叅
軍並同宋公府而城局以上曹署正叅軍法以下曹
署行叅軍無曹職爲專兼員梁諸公大將軍大司馬
等府置長史司馬諮議叅軍掾屬從事中郎記室主
簿列曹叅軍行叅軍舍人等員司徒府則有左右長
史左西曹掾州別有文學從事郡官仍舊陳庶姓公
府置諮議叅軍長史司馬從事中郎掾屬中錄事中
記室中直兵錄事記室中兵等叅軍主簿祭酒叅軍

等員庶姓持節府省從事中郎叅軍別置功曹史餘
同公府庶姓非公不持節將軍止置長史主簿安蠻
戎越校尉中郎將止置長史司馬正員之外皆有版
授官自餘州郡之吏皆循梁制後魏起于伐北庶職
草創道武皇始元年初令州郡定置刺史太守而寮
屬未著至大和定令官制始詳三公大將軍府有司
馬長史元士諮議叅軍主簿從事中郎叅軍行記室
督掾屬舍人御屬令史閣下令史又有錄事叅軍事
功曹記室戶倉中兵叅軍事叅軍事列曹行叅軍行
叅軍長兼行叅軍叅軍都督開府置長史從事中郎

諮議叅軍正叅軍主簿行叅軍記室督令史一品二
 品三品正從將軍開府別有功曹史無元士記室督
 掾屬舍人御屬令史其長馬諮議錄事及諸叅軍督
 護員並如公府四品五品正從將軍止置長史司馬
 主簿列曹叅軍列曹行叅軍中軍鎮軍撫軍有長史
 司馬中散行叅軍校督州有別駕功曹都官司事從
 事錄事從事史治中從事史主簿議曹從事史郡有
 功曹主簿通事等員宣武永平二年併省諸州諮議
 記室戶刑獄田水集士等曹叅軍孝莊初增大丞相
 大宰佐史時以爾朱榮為太丞孝靜天子中置京畿
相元天穆為大宰

大都督立府置佐而史闕其職後齊二大三公府無
 元士分戶曹為左右加置外兵騎兵長流城局刑獄
 等曹叅軍事東西閣祭酒法墨田水鎧集士等曹行
 叅軍餘並如後魏制司徒府加左右長史三公以下
 儀同三司開府者減記室倉城局田水鎧士等曹各
 一人領軍中領軍護軍中護軍府皆有長史司馬功
 曹主簿錄事等員其領軍府所領左右衛左右護軍
 府所領東西南北四中郎將府各減功曹錄事員而
 郎將府加置錄事叅軍統府錄事直兵功倉中兵外
 兵騎兵長流城局等叅軍法田鎧曹行叅軍司府牧

置別駕從事史治中從事史州都主簿西曹書佐記

室戶功金祖兵騎等曹都官法部郡等從事 王簿置

以下各置掾史 史西曹清都郡置丞中正功曹主簿都御五官門下

督錄事主記議生功曹記室戶田金租兵騎賊法等

曹掾中部掾州刺史屬官有長史司馬錄事功倉中

兵等曹參軍事及掾史主簿及掾記室掾史外兵騎

兵長流城局刑獄等參軍參軍事及掾史參軍事法

墨田鎧集士等曹行參軍及掾史左戶掾史行參軍

長兼參軍參軍督護統府直兵箱錄事等員州屬官

有別駕從事史治中從事史州都先迎主簿主簿西

曹佐月令史祭酒從事史都郡從事早服從事典籤

及史門下督省事都錄事及史箱錄事史朝直刺姦

記室戶田金租兵左戶等掾史 上上州刺史府及州

屬官佐吏共三百九十三人上中上下州各差減十人中上州又減五十

一人中中中下州又差減十人下上州又減五十人

下中下下州郡太守屬官有丞中正先迎功曹先迎

又差減十人 又差減十人主簿功曹主簿五官省事及西戶金租兵集等曹掾

佐大學博士助教大學生市長倉督等員 上上州太

守官屬佐吏共二百十二人上中上下郡各差減五人中上又

減四十五人中中中下郡又差減五人下郡又減四

十人下中下下 郡又差減二人後周六官之制公府有上大夫元士

統軍驃騎車騎在國大將軍四征中鎮撫諸將軍府

有長史司馬司錄中郎掾屬列曹參軍戍副等員別將開府有長史司馬司錄呼藥別駕侍中列曹參軍等員隋三師不置府屬三公依後周置官寮而左右衛左右武衛左右武侯大將軍並有長史司馬錄事功倉兵騎曹參軍法鑿曹行參軍各一人行參軍左右衛武侯各六人武衛八人左右衛又各統親衛置開府儀同二府開府府官屬減功騎曹參軍鄧曹行參軍儀同府又減法曹行參軍餘如左右衛左右領左右府屬同開府府左右監開府別有行參軍四人餘官如左右府左右領軍府別有掾屬各一人明法

四人加行參軍十人餘官如左右衛後高祖又採後周之制置上柱國柱國上大將軍大將軍上開府儀同三司儀同三司上儀同三司儀同三司大都督帥都督總十一等上柱國府長史司馬諮議參軍事掾屬各一人功曹記室戶倉兵騎兵城局等曹參軍事各一人參軍事五人法田水鑿士等曹行參軍各一人行參軍十二人典籤二人國柱省騎兵參軍事水曹行參軍員減參軍事行參軍各一人上大將軍又省諮議參軍事田鑿曹行參軍員又減行參軍一人大將軍又省掾屬員減參軍事二人上開府又省法

士曹行參軍事參軍事員開府又省典籤員減行參
 軍二人上儀同又省功曹城句參軍事員又減行參
 軍事三人儀同又省倉曹員減行參軍二人又令三
 師三公置府佐與柱國同雍州牧置別駕贊務州都
 郡正主簿錄事西曹書佐金戶兵法士等曹從事部
 都從事武猛從事并佐史等員五百二十人京兆尹
 置丞正功曹主簿金戶兵法士等曹佐并佐史等員
 二百四十四人州刺史置長史司馬錄事功戶兵等
 曹參軍法士曹行參軍典籤州都光初主簿郡正主
 簿西曹書佐祭酒從事部郡從事倉督市令丞并佐

史等員

上上州三百二十三人上中州減十二人下
 州又減十六人中上州又減二十九人下中

中中上州又差減二十人下上州又減十
 人下中州又減十五人下下州又減二人郡太守置

丞尉正光初主簿縣正功曹主簿西倉戶兵法士等

中曹市令佐史等員

上上郡一百四十六人上中郡
 減五人上下郡又減四人中上

郡又減十九人中中郡又減六人中下郡又減五人
 下上郡又減十九人下中郡又減五人下下郡又減
 六人開皇二年罷郡以州統縣改別駕贊務為長史司

馬罷辟署令吏部除授品官為州郡佐官四年一遷

以曹為名者並改為司

自兩漢以降府幕官都自辟
 署亦有朝命者梁魏以來州

郡縣正以下皆州郡自調用理府
 事至是以為鄉官始以品官總職開皇十二年悉改

諸州司從事為參軍十五年盡罷州郡鄉官煬帝即

位置十二衛將軍各有長史錄事司倉兵騎鎧等曹
 左右翊衛又有親侍鷹揚二府各有司馬長史兵倉
 曹左右侯衛別置察非掾二人罷州置郡罷長史司
 馬贊務一人以二之次置東西掾主簿司功倉戶兵
 法士等書佐各因郡之大小而為增減改行參軍為
 行書佐其後諸郡又加置通守一人改贊務為丞位
 在通守下唐丞相之務歸于臺省三公無官屬改郡
 為州仍置總管之職武德四年始收總管為都督府
 貞觀中分為二等大都督府有長史司馬錄事參軍
 錄事六曹參軍事各二員

功士曹一員

參軍事典獄問事

丞佐史倉督等員有差中都督府別有別駕一人餘
 官竝同大都督府上州中州刺史府官同中都督府
 下州刺史省長史餘與中州同其大都護府無別駕
 士曹及參軍事以下員上都督府又無法曹員餘同
 上州又因隋制置十二衛皆有衛佐

長史錄事倉兵騎等曹參軍司

皆中候司戈執戟奉車都尉等員龍朔二年置左右羽林軍開元一十七年置左右龍武軍官屬同十二衛佐又有十六衛將軍正有長安史曹錄事較尉等員 則天長壽中有經畧使

睿宗景雲後有節度使肅宗至德後有觀察使明皇
 天寶後有團練防禦使節度使之屬有副使一人行
 軍司馬一人判官一人掌書記一人參謀無員隨軍

四人觀察使有判官支使經畧使有判官等員其後
 節度觀察使防禦團練皆有推官巡官之職兼度支
 營田招討使者又有度支營田等判官自是正為幕
 府之職自後上佐曹官皆為州縣之職更不復紀其
 有軍報若都虞候都知兵馬使之比有武功
 參軍謀者
 則附次焉皆奏請有出身人及六品以下正員官為
 之唯兩省供奉尚書省御史臺見任郎官不得奏請
 其辟署未有官者皆謂之攝自從諸使兵馬留後兩
 京留守後置判官鹽鐵度支及場院使亦置判官推
 巡之職後唐莊宗同光二年令諸道節度副使兩使
 判官朝廷除授外幕不職吏皆委本道選任明宗天

成二年又限諸藩鎮幕職不得兼錄事參軍鄴都管
 內諸州錄事參軍不得兼防禦判官始改刺史州防
 團判官為軍事判官晉高祖天福二年又限防禦團
 練刺史不得奏未有官人為從事漢乾祐元年又禁
 諸道不得奏薦行軍副使兩使判官周世宗顯德二
 年始令刺史州置軍士推官一員原其參佐將幕裨
 贊公府承刺舉之職分守相之務而能左右宣力出
 入盡規潔素靡淪亮直是與建謀議而惟允集勳伐
 以居多竭乃忠誠膺其倚賴至于懿文秀茂明識淵
 粹承辟署之美膺棟求之重及貪墨自恣圖邪是圖

憲法所罹罪釁連及竝用論次以儆方來凡幕府部
一十六門

選任

倚任

選任

夫任官惟賢前經之不訓以能詔事三代之達道二
漢之際始盛賓佐之選故辟署之命行焉施及鼎國
與戎右武晉宋以降藩寄彌重其或誓師遣將建牙
開府竝建宗室出臨屏翰以至掌司留務委之腹心
尊崇宰弼重其叅贊則必簡乎朝議精擇素望既咨
其策畫亦賴其傳導至乃取于近侍輟自高位豈非

慎重大事貴經武之有功協比正人與茂親之盛德
者也

魏杜襲為太祖丞相長史從討漢中太祖東之當選
留府長史鎮守長安主者所選多不當太祖令曰釋
騏驥而不乘焉皇皇而更索遂以襲為留府長史駐
關中

張緝為溫令會蜀相諸葛亮出緝上便宜詔以問中
書令孫資資以為有籌畧遂召拜騎都尉遣叅征蜀
軍

晉王舒為溧陽令明帝之為東中郎將妙選上佐以

舒爲司馬轉後將軍宣城公褚裒諮議參軍頓領望
府咸稱明練

宋張邵爲高祖揚州主簿世子始開征虜府以郡爲
錄事參軍遷諮議參軍領記室

張敷少整貴文韻端雅武帝聞其美召見奇之曰真
千里駒也以爲世子中軍參軍

袁洵元嘉中累歷顯官廬陵王紹爲南中郎將江州
刺史少年未親政以洵爲長史尋陽太守行府州事
張暢爲尚書主客郎未拜除江夏王義恭征北記室
參軍孝武鍾彭城暢爲安北長史沛郡太守元嘉末

暢履行盱眙城欲立太鎮時魏軍聲去當出襄陽故
以暢爲南譙王義宣司空長史

張永爲左衛將軍免官時孝武寵子新安王子鸞爲
南徐州刺史割吳郡屬徐州起永爲別駕從事史

南齊張融字思光吳人宋孝武聞融有早譽解褐爲
新安王北中郎參軍

張岱初仕宋爲撫軍諮議參軍領山陰令時巴陵王
休若爲北徐州未親政事以岱爲冠軍諮議參軍領
彭城太守行府州國事後臨海王爲征虜廣州爲豫
章王爲車騎揚州晉安王爲征虜南兖州岱歷三府

詔議遷驃騎長史領廣陵太守新安王子鸞以盛寵
爲南徐州高選佐史孝武召岱謂之曰卿美效夙著
兼資官已多今欲用卿爲子鸞摠刺史之任無謂小
屈終當大伸也

王琨初仕宋爲歷陽內史孝武以琨忠實徙爲寵子
新安王東中郎長史歷右衛將軍度支尚書出爲永
嘉王左軍始安王征虜二府長史皆孝武諸子也
王僧虔初仕宋自太子庶子出爲豫章王子尚撫軍
長史遷散騎嘗侍復出爲新安王子鸞北中郎長史
二子皆孝武之愛子也

陸慧曉爲太子洗馬建元初武陵王曄守會稽太祖
爲精選僚吏以慧曉爲征虜功曹

王績爲東陽太守武帝爲撫軍時吏部尚書張岱選
績爲長史呈選牒太祖笑謂岱曰此素望也

張仲建武中爲廬陵王北中郎司馬未拜豐城公遙
昌爲豫州帝慮寇未已徙仲爲征虜長史南梁郡太
守

胡諧之爲武帝江州別駕文惠太子初鎮襄陽帝以
諧之心腹出爲北中郎征虜司馬扶風守爵關內侯
在鎮毗贊甚有心力

崔慧景為南郡內史南蠻長史加輔國將軍內史如故先是蠻府置佐用資甚輕至是始重其選

孔琇之為吳興太守時明帝輔政防制諸藩致密旨子上佐隆昌元年遷琇之為寧朔將軍晉熙王冠軍長史江夏內史行郢州事

梁張率字士簡為秘書丞直壽光省晉安王戍石頭以率為雲麾中記室王遷南交州轉宣毅諮議參軍並記室王還都率除中書侍郎王為荊州復以率為宣惠諮議領江陵令府遷江州以諮議領記室出監豫章臨川郡率在府十年恩禮甚篤

到漑為湘東王繹輕車長史行府郡事武帝勅繹曰到漑非直為汝行事足為汝師

江革為少府卿時武陵王在東州頗自驕縱高祖召革面勅曰武陵王年少減盾性弱盾王之官屬也不能規正

欲以卿代為行事非卿不可不得有辭乃除折衝將軍東中郎武陵王長史會稽郡丞行府州事

後魏鄧述為齊州刺史初改置百官始重公府元佐時大傅元丕出為并州刺史以述為太傅長史帶太原大守

刁整字景智少有大度頗涉書史為郡功曹太和十

五年奉朝請孝文都雜親自臨選除司空法曹參軍
從帝南討命廣陽王嘉鎮荊州以整爲嘉外兵參軍
事

崔珽爲典屬國下大夫太和十八年大將軍宋王劉
昶南鎮彭城詔假立義將軍爲昶府長史珽以疾辭
免乃以王肅爲長史

李憑唐茂盧尙之孝文時趙郡王幹爲都督冀定瀛
三州諸軍事詔以憑爲長史茂爲司馬尙之爲諮議
參軍以輔弼之

傳永字修期爲任城王長史王肅之爲豫州以永爲

平南長史咸陽王禧慮肅難信言于孝文孝文曰已
選傳修期爲其長史雖威儀不足而文武有餘矣肅
以永宿士禮之甚厚永亦以肅爲孝文眷遇盡心事
之情義至穆

崔鴻爲尙書都兵郎中永平初豫州城人白早生殺
刺史司馬悅據懸瓠叛詔鎮南將軍邢巒討之以鴻
爲行臺鎮南長史

李系爲主客郎齊文襄攝選以系爲司徒諮議參軍
因謂之曰自郎署至此所謂不次以卿人才故有此
舉耳

後周薛寘西魏末爲中書令時車騎大將軍儀同三司燕公子謹征江陵以寘爲司錄軍中謀畧寘竝參之

薛端字仁直太祖時大軍東討以柱國李弼爲別道元帥妙簡英僚數日不定帝謂弼曰爲公思得一長史魚過薛端對曰真才也乃遣之
樂遜爲小師氏下大夫以經術教授譙王儉以下及衛公直鎮蒲州以遜爲直府主簿加車騎將軍右光祿大夫

隋元巖爲兵部尙書高祖初卽位遣晉王廣鎮并州蜀王秀鎮益州盛選寮佐於時巖與王韶俱以骨鯁知名物議稱二人人才具侔於高穎由是拜巖爲益州摠管長史韶爲河北道行臺右僕射高祖謂之曰公宰相大器今屈輔我兒亦如曹叅相齊之意也及巖到官法令明肅吏民稱焉
令狐熙爲上開府會蜀王秀出鎮於蜀綱紀之選盛屬正人以熙爲益州摠管長史
楊昇爲宗正少卿蜀王秀之鎮益州也朝廷盛選綱紀以昇方直拜益州摠管長史賜錢二十萬練三百匹馬五十匹而遣之

宇文弼領太子虞侯時朝廷以晉陽爲重鎮并州摠
管必屬親王長史司馬亦一時高選前長史王韶卒
以弼有文武幹用出爲并州長史

皇甫誕開皇中爲尚書左丞時漢王諒爲并州摠管
朝廷盛選寮佐前後長史司馬一時名士高祖以誕
公方著稱拜并州摠管司摠管政事一以諮之諒甚
敬焉

趙軌開皇中自齊州別駕徵至京師時衛王爽爲原
州摠管高祖見爽年少以軌所在有聲授原州摠管
司馬

源師爲尚書右丞時蜀王秀頗違法度乃以師爲益
州摠管司馬

劉臻開皇中爲儀同三司左僕射高頴之代陳也以
臻隨軍典文翰進爵爲伯

唐宇文歆爲右衛將軍武德初齊王元吉爲并州摠
管時劉武周南侵汾晉遣歆助元吉守并州
封倫爲內史侍郎武德初太宗之討王世克高祖召
倫參謀軍事以功封平原縣公兼天策府司馬

溫彥博爲中書侍郎武德中突厥入寇高祖命右衛
大將軍張理爲并州道行軍摠管出拒之以彥博爲

行軍長史

竇昭為少卿監天寶末玄宗幸蜀以永王璘為山南東路及黔中江南西路節度度支採訪以昭為之副鄧景山為隴西太守天寶末玄宗以豐王珙為威武都督領河西隴右安西北庭等路節度採訪使以景山為之副

裴冕為御史中丞肅宗即位於靈武以元子廣平王領朔方河東河北三道節度使以冕為之副

蘇震為吏部侍郎暢瓘為課議大夫至德初肅宗以廣平王為天下兵馬元帥以震瓘為副使判官

李進為御史中丞寶應初代宗以元帥雍王統河東朔方及諸道行營兵馬時迴紇兵馬十餘萬東討逆賊史朝義以進為行軍司馬又以中書舍人韋少華為掌書記

李復大曆中歷江陵府司錄江陵少尹建中初李希烈背叛荆南節度張伯儀數出兵為希烈所敗時朝廷憂之以復父在江陵得軍州人心時復在母喪乃起復為江陵少尹兼中丞克節度行軍司馬

蕭復為兵部侍郎建中末晉王誼為揚州大都督持節荆襄江西沔鄂等道節度使兼諸將軍行營兵馬

都元帥討李希烈以復為戶部尚書兼御史大夫克

帥統軍長史 舊令有行軍長史 以復父名衛更之

又以新除潭州刺史

孔巢父為右庶子兼御史中丞行軍左司馬山南東

道節度行軍司馬檢校兵部郎樊澤為諫議大夫兼

御史中丞行軍右司馬刑部員外郎劉從一為吏部

郎中侍御史常贊為工部郎中并兼御史中丞克判

官兵部員外郎高叅為兵部郎中掌書記右金吾衛

大將軍渾瑊為簡較工部尚書燕御史大夫為中軍

虞侯又以左散騎嘗侍歸崇敬叅謀 會朱泚 亂不行

陸長源為汝州刺史貞元中董晉為宣武軍節度朝

廷恐晉柔懦尋以長源為晉行軍司馬

李景畧為左羽林將軍貞元中對於延英殿奏論術

術有大臣風采時河東李說有疾詔以景畧為大原

少尹節度行軍司馬時方鎮節度使少徵入換代者

皆死亡乃命為行軍司馬盡簡自上意受命之日人

心屬之

鄒士美未冠為陽翟丞李抱真鎮潞州邀為從事雅

有叅贊之績其後易二帥皆詔士美佐之

裴向為戶部員外郎德宗季年天下方鎮副倖多選

自于朝防一日有變遂就授之節制向以選為太原

少尹德宗召見喻旨尋用爲行軍司馬兼御史中丞
辛秘爲湖州刺史僉以材任將帥元和初太原節度
范希朝頌全師出討王承宗詔徵秘爲河東行軍司
馬

崔弘禮爲棣州刺史元和中魏博田弘正請入覲思
得副其事者弘禮以選授衛州刺史克魏博節度副
使久之除鄭州刺史長慶元年劉摠入覲張弘靖移
鎮范陽復以弘禮簡較左散騎嘗侍克幽州盧龍軍
節度副使

胡証爲長安縣令元和中田弘正以魏博內屬詔証

以左庶子爲之副

馬摠爲刑部侍郎元和十二年門下侍郎平章事裴
度出爲彰義軍節度淮西宣尉處置等使憲宗以摠
兼御史大夫克副使右庶子韓愈兼御史中丞克行
軍司馬司勳員外郎李正封都官員外郎馮宿禮部
員外郎李宗閔並兼侍御史克判官書記
錢可復爲禮部郎中大和末翰林侍講學士工部尚
書鄭注出鎮鳳翔文宗以可復爲簡較兵部郎中兼
御史中丞克鳳翔行軍司馬兼賜紫以駕部員外郎
盧簡能爲簡較司封郎中兼侍御史克鳳翔節度判

官以王客員外郎蕭傑為簡較工部郎中兼侍御史
克鳳翔觀察判官並賜緋以左拾遺盧茂弘為鳳翔
節度掌書記

後唐任圜為工部尚書同光二年魏王繼岌為伐蜀
行營都統莊宗以圜及翰林學士李愚從王出征參
預軍機

任贊為刑部侍郎長興四年秦王從榮為兵馬元帥
以贊為兵部侍郎克元帥府判官

馬義為北部郎中天福中以為簡較尚書吏部郎中
兼御史中丞克河陽節度判官朝廷選佐皇子故也

漢張允初仕後唐為兵部員外郎知制誥清泰初皇
子重美為河南尹典六軍諸衛事時朝廷選參佐以
允剛介改給事中克六軍判官

周張可復為左諫議大夫漢乾祐初湘陰公鍾徐方
朝行中選可倅戎者因授武寧軍節度副使簡較禮
部尚書

王敏為侍御史世宗鎮澶淵太祖以敏謹厚有稱遂
命為澶州節判及世宗尹正王畿改開封少尹

倚任

夫居牧伯之任當將帥之重雖復奉法遵職盡節效

命亦何嘗不推擇僚佐咨諏委賴然後政成而功立者哉由漢以來選辟甚盛乃有待遇隆篤周旋倚任至千條教憲令俾之裁處機謀戎務咸用闢決假其風望以抨彈豪縱倚其忠厚以摠督居留極其辭藻之能施之文檄之用知人而善使推誠而不疑繇是懷才者得盡其長立義者得宣其教叶贊斯至勲業用彰古人謂申于知己者此之謂也

漢黃霸爲河南太守丞霸爲人明察內敏又習文法爲丞處職當于法令太守甚任之

陳湯爲大將軍王鳳從事中郎幕府事壹決于湯

後漢劉平爲濟陽郡丞太守劉育甚重之任以郡職韓稜潁川舞陽人初爲郡功曹太守葛興中風病不能聽政稜陰代興視事出入二年令無違者

朱穆舉孝廉屬江淮盜賊群起大將軍梁冀素聞穆名乃辟之使典兵事甚見親任

趙勤南陽人太守桓虞召爲功曹委以郡事嘗有重客過虞欲託一事爲曹吏虞曰我有賢功曹趙勤當與議之客潛于內中聽虞乃問勤勤對曰恐未合衆客曰止止勿復道也

范滂字孟博汝南人太守宗資請署公曹委任政事

時人謠曰汝南太守范孟博南陽宗資王晝諾

岑暉字公孝南陽太守成瑨下車欲振威嚴聞暉名

請為功曹時人謠曰南陽太守岑公孝弘農成瑨但

坐嘯

王渙為廣漢功曹太守陳寵徵為大司農和帝問何

以為治寵曰臣任功曹王渙由是知名

一云寵顯用良吏王渙

顯以為腹心訟者曰臧郡中清肅

陳蕃為汝南郡主簿太守王堂搜才禮士不苟自專

乃教掾史曰古人勞于求賢逸于任使故能化清于

上事緝于下其憲章朝右簡覈朝職委功曹陳蕃裨

政理務拾遺補闕任主簿應嗣庶循名責實察言觀

效焉自是委誠求當不復妄有辭教郡內稱治

魏審配漢末為袁紹冀州別駕紹委以腹心并摠幕

府

臧洪廣陵人漢末為郡功曹太守張超兄邈謂超曰

聞弟為郡守政教威恩不白已出動任臧洪洪果何

人超曰洪才畧智數優超超甚愛之海內奇士也邈

即引見洪與語大奇之

蔣濟為大祖丞相主簿西曹屬令曰舜舉臯陶不仁

者遠臧否得中望于賢屬

楊修字德祖爲太祖丞相倉曹屬主簿是時軍國多事修總知內外事皆稱意自魏太子已上並爭與交好

徐奕字季才爲太祖司空掾屬從西征馬超超破軍還時關中新服未甚安留奕爲丞相長史鎮撫西京稱其威信轉爲雍州刺史復還爲東曹屬太祖征吳從爲留府長史調奕曰君之忠亮古人不過也然徵太嚴昔西門豹佩常以自緩夫能以柔弱制剛者望之于君也今使君統留事孤無復還顧之憂也

滿寵字伯寧山陽昌邑人也年十八爲郡督郵時郡內李朔等各擁部曲害于平民太守使寵糾焉朔等請罪不復鈔畧

蜀蔣琬字公琰爲丞相諸葛亮叅軍亮住漢琬與長史張裔統留府事後代裔爲長史亮素外出琬嘗足食足兵以相供給亮每言公琰託志忠雅當與吾共贊王業者也

楊儀爲諸葛亮長史加綏軍將軍亮數出軍儀嘗規畫分部籌度糧穀不稽思慮斯湏便了軍戎節度取辦于儀

吳劉靖廬江人孫皎爲征虜將軍督夏口委靖以得

失委江夏李允以衆事廣陵吳頌河南張梁以軍旅而傾心親待莫不自盡

晉裴秀歷文帝安東及衛將軍司馬軍國之政多見信納遷散騎嘗侍帝討諸葛誕秀與尚書僕射陳泰黃門侍郎鍾會以行臺從豫叅謀畧

山濤爲文帝大將軍從事中郎鍾會作亂于蜀帝將西征時魏氏諸王公並在鄴帝謂濤曰西徧吾自了之後事深以委卿以本官行軍司馬給親兵五百人鎮鄴

祥爲呂虔徐州別駕虔委以州事州界清靜政化

大行時人歌之曰海沂之康每賴王祥邦國不空別

駕之功一云民事一以委之世多其任能

郭舒順陽人王澄爲荊州刺史旣至鎮日夜縱酒不親庶事雖寇戎急務亦不以在懷擢舒於寒悴之中以爲別駕委以州府

羅尚字敬之善屬文荊州刺史王戎以尚及劉喬爲叅軍並委任之

劉毅字仲雄僑居陽平大守杜恕舉爲功曹月餘日沙汰郡吏百餘人爲之語曰但聞劉功曹不聞杜府君

應詹爲鎮南大將軍劉弘長史弘詹之祖舅請之曰
君器識宏深後當代老子于荆南矣乃委以軍政弘
著績漢南詹之力也
溫嶠爲劉琨平北大將軍叅軍琨遷司空以嶠爲右
司馬時并土荒殘寇盜群起石勒劉聰跨帶疆場嶠
爲之謀主琨所憑恃焉

諸葛恢爲元帝瑯琊王從事中郎愍帝卽位徵用四
方賢雋召恢爲尚書郎王以經緯碩才疏留之
卞壺字望之元帝爲琅邪王鎮建業召爲從事中郎
委以選舉甚見親仗

趙裔爲王導從事中郎南頓王宗反裔殺宗于是導
及庾亮並倚仗之轉鎮軍將軍

毛穆之寶之子果毅有父風爲安西將軍庾翼叅軍
翼等專制陝西以子方之爲建武將軍守襄陽方之
年少翼選武將可信仗者爲輔弼乃以穆之爲建武
司馬

王珣爲桓溫大司馬主簿時溫經畧中夏竟無寧歲
軍中機務並委珣焉

江道爲吳令中軍將軍殷浩將謀北伐請爲咨議叅
軍浩甚重之遷長史浩方修復雒陽經營荒梗道爲

上佐甚有輔弼之益軍中書檄皆以委道
劉鍾爲劉牢之鎮北叅軍督護高祖每有戎事鍾不
辭艱劇專心盡力甚見愛信

宋劉穆之高祖初定京城辟爲車騎主簿諸大處分
皆倉卒立定竝穆之所建也遂委以腹心之任動止
咨焉穆之亦竭節盡誠無所遺隱從征廣固還拒盧
循嘗居幕中畫策決斷衆事劉毅等疾穆之見親每
從容言其權重高祖愈信仗之後遷太尉中軍司馬
高祖西伐司馬休之中軍將軍長沙王道憐知留任
而事無大小一決穆之乃加丹陽尹高祖西討劉毅

以諸葛長民監留府摠攝後事高祖疑長民難獨任
留穆之以輔之加建威將軍置佐吏配給實力長民
果有異謀而猶豫不能發乃屏人謂穆之曰悠悠之
言皆云大尉與我不平何以至此穆之曰公沂流遠
伐而以老母稚子委節下若一毫不盡豈容如此邪
意乃小安高祖還長民伏誅

臧燾爲通直郎高祖鎮軍車騎中軍大尉諮議叅軍
高祖北伐關雒大司馬瑯邪王同行除大司馬從事
中郎摠留府事

謝景仁爲高祖車騎司馬及高祖北伐時大司馬瑯

郡王天子母弟屬當儲副高祖深以根本為憂轉景
仁為大司馬專摠府任

徐羨之為高祖大尉左司馬高祖北伐掌留任以副
貳劉穆之

謝晦為高祖大尉主簿從征關維內外要任悉委之
王誕為高祖大尉諮議參軍轉長史盡心歸奉日夜
不懈高祖甚委使之

張茂度為高祖太尉主簿揚州治中從事變高祖西
伐劉毅茂度居守留州事悉委之軍還遷中書侍郎
高祖北伐關維復任留州事

王華為文帝司馬太祖入奉大統留華總後任

顏竣為孝武安北鎮軍北中郎府主簿孝武鎮尋陽
遷南中郎記室參軍元嘉三十年春以父延之致仕
固求解職不許賜假未發而孝武舉兵入討元凶轉
諮議參軍領錄事任總外內并造檄書孝武發潯陽
便有疾領錄事自沈慶之以下竝不堪相見唯竣皆
專斷施行

張邵初為世子中軍參軍武帝北伐邵請見曰人生
危脆必當遠慮劉穆之若邂逅不幸誰可代之事業
如此苟有不諱事將如何帝曰此自委穆之及卿耳

又爲文帝荊州司馬領南郡相事悉決于邵
劉湛爲彭城王義康豫州長史梁郡太守義康弱年
未得親政府州事悉委湛後爲江夏王義恭撫軍長
史湛子琰于江陵病卒湛求自送喪還都義恭亦爲
之陳請文帝答義恭曰吾亦得湛啟事爲之酸懷乃
不欲苟遣所請但汝弱年新涉庶務八州殷曠專斷
事重疇咨委仗不可不得其人量筭二三未獲便相
順許令答湛啓權停彼塋頃朝臣零落相繼寄懷轉
寡湛實國器吾乃欲令其引還直以西夏任重要且
停此事耳汝慶賞黜罰預關失得者必宜悉相委寄

庾登之爲衡陽王義季征虜長史義季少年未親政
舉事一以委之

范曄爲始興王濬後軍長史領南下邳太守及濬爲
揚州未親政事悉以委曄

謝方明爲左將軍道憐長史高祖命府內衆事皆諮
決之隨府轉中軍長史尋更加晉陵太守復爲驃騎
長史南郡相委任如初

江湛爲吏部郎隨王誕爲北中郎將南徐州刺史以
湛爲長史南東海太守政事悉委之

南齊胡諧之南昌人武帝頓盆城使諧之守尋陽城

及爲江州復以諧之爲別駕委以事任
沈冲字景綽爲武帝征虜長史潯陽太守甚見委遇
帝還都使冲行府州事

江祐爲明帝驃騎諮議叅軍帝時輔政委以腹心
沈瑀爲竟陵王子良府叅軍領揚州部傳從事子良
甚相知賞家事皆委瑀子良薨瑀復事刺史始安王
遙光嘗被使送民丁速而無怨遙光謂同使曰爾何
不學沈瑀所爲乃令瑀專知州獄事

李珪之字孔璋爲蔡興宗安西府佐委以職事清治
見知

宗史爲南康王荊州別駕時西土位望唯史與同郡
樂謁劉坦爲州人所推信故領軍將軍蕭穎胄深相
委仗每事諮焉

徐摛爲晉安王諮議叅軍王摠戎北伐以摛兼寧蠻
府長史叅贊戎政教命軍書多自摛出

孔休源爲晉安王府長史南蘭陵太守別勅專行南
徐州事休源累佐名藩甚得民譽王深相倚仗軍民
機務動止詢謀嘗于中齋別施一榻云此是孔長史
坐人莫得預焉其見敬如此

梁蔡道恭齊末爲和帝西中郎中兵叅軍帝起兵蕭

穎胄以道恭素著威畧專相委任

王茂爲高祖雍州長史帝以王佐許之事無大小皆詢焉

何遠爲後漢軍鄱陽王恢錄事參軍在府盡其智力知無不爲恢亦推心仗之恩寄甚密

蕭允爲晉王長史王爲南豫州允從爲長史時王尚少未親民務故委允行府州事

劉毅爲湘東王中記室太清中侯景亂世祖承制上疏書檄多委焉毅亦竭力盡忠甚蒙賞遇

許亨爲太尉王僧辨從事中郎與吳興沈景對掌書

記府朝政務一以委焉

庾黔婁鄉人鄧元起爲益州刺史以黔婁爲錄事參軍又得荊州刺史蕭遙欣故客蔣光濟竝厚待之任以州事黔婁甚清潔光濟多計謀竝勸爲善政
劉盈爲岳陽王察中郎府錄事參軍隨察之鎮有器度勤于公軍國經謀頗得察預
陳謝岐仕梁爲山陰令侯景亂岐流寓東陽景平依於張彪彪在吳郡及會稽庶事一以委之彪每征討常留岐監郡知後事

趙知禮字齊旦高祖討元景仲引爲記室嘗侍左右

深被委任當時計畫莫不預焉知禮亦多所獻替
陸山才字孔章爲周文育南豫州都督長史育不知
書疏政事悉以委之文育南討歐陽頴計畫多出山
才及文育西征王琳留山才監江州事仍鎮豫章
盧淵爲京兆王愉兼長史賜絹百疋愉旣年少巨細
多決于淵淵以誠信御物甚得東南民和
陸見賢侍中繕之兄子宣帝爲揚州牧乃以爲治中
從事史深被知遇歷給事黃門侍郎
程文季爲始興王府門內中直兵參軍是時王爲揚
州刺史鍾治城府中事悉以委之

後魏辛琛爲滎陽郡丞孝文南征大守元麗從輿駕
詔琛曰委郡事如大守也

高景自符璽郎中出爲冀中別駕未之任屬刺史元
愉據州反官武遣尚書李平爲都督率衆討之平以
顥彼州領袖乃引爲錄事參軍仍領統軍機取舍多
與參決

楊機字顯畧爲河南尹元暉功曹暉尤委以郡或謂
暉曰弗躬弗親庶人弗信何得委事于機高卧而已
暉曰吾聞君子勞於求士逸於任賢吾旣委得其才
何爲不可由是聲名更著

楊固爲尚書考功郎大軍征硤石勅爲僕射李平行
臺七兵郎平奇固勇敢軍中大事悉與謀之

崔光韶爲濟州輔國府司馬刺史高祖甚知之政事
多委訪焉

甄楷字德旨定州人刺史廣陽王淵被徵還朝時楷
丁憂在鄉淵臨發召楷兼長史委以州任

高緒爲冀州儀同府中司兵叅軍爲府主封隆之所
賞隆之行梁州引自隨嘗令摠攝數郡

房天樂爲清州別駕大將軍文秀拔爲長史督齊郡
州府之事一以委之

高道穆初爲蕭寶寅行臺郎中軍機之事多以委之
大都督崔延伯敗後賊勢轉疆屢請益兵朝廷不許
寶寅謂道穆曰非卿一行兵無益理遂令乘傳赴維
靈太后親問賊勢道穆具以狀對太后怒曰比來使
人皆言賊弱何獨云其疆也道穆曰前使不實者當
是冀陛下息顏望霑爵賞臣旣忝使人不敢虛妄願
令近臣親簡足知虛實

揚侃爲叔椿雍州錄事叅軍帶長安令府州之務多
所委决

崔康爲彭城王勰衛軍府錄事叅軍勰從征行招致

壯俠以爲部下勰目之謂左右曰吾當寄胆氣于此人

姜儉爲太尉外兵叅軍蕭寶寅討關西引爲關府屬軍機謀畧多所叅預儉亦自謂遭逢知己遂竭誠委託盧陽烏爲彭城王府長史京兆王愉拜都督徐州刺史以陽烏兼長史州事巨細委之

朱瑞爲將軍爾朱榮府戶曹叅軍瑞長厚質直敬愛人士又爲大行臺郎中甚爲榮所親任

劉貴爲爾朱榮府騎兵叅軍榮性猛急貴尤嚴峻每見任使多愜榮心遂被信遇位望日重加撫軍將軍北齊薛琡東魏天平初神武引爲丞相長史琡宿有能名深被禮遇軍國之事多所關知琡亦推誠盡節屢進忠謹

張華原字滿國少明敏有器度神武開驃騎府引爲法曹叅軍遷大丞相府屬仍侍左右從於信都深爲高祖所親待高祖每號令三軍府嘗令宣諭意旨孫搴爲神武相府主簿掌文筆能通鮮卑語兼宣傳號令當煩劇之任大見賞重

趙彥深爲神武丞相功曹叅軍專掌機密及文襄嗣位丞相慮河南有變乃自巡撫委彥深夜事轉大行

臺都官郎中臨發握手泣曰以母弟相託幸得此心
既而內外寧靜彥深之力也

裴昭字元景爲文襄府墨曹叅軍甚見親委與陳元
康崔暹等叅謀機密

裴雋爲幽州刺史盧文偉平北府長流叅軍雋案舊
迹修督亢陂溉田萬餘頃民賴其修立之功多以委
焉。

崔昂文襄在藩嘗委以腹心之任及入輔朝政召爲
開府長史時勳將親族賓客在都下放縱多行不軌
孫騰司馬子和之門尤劇昂受帝密旨以法繩之未

幾之間內外齊肅

李義深爲并州長史時刺史可朱渾道元不親細務
民事多委義深甚濟機速

後周令狐整初爲後魏東陽王榮主簿委以庶務畫
諾而已

趙善初爲後魏爾朱天光主簿天光討邢果及萬俟
醜奴以善爲長史軍中謀議每叅預之

蘇亮初爲後魏齊王蕭寶寅叅軍歷開府主簿詛案
叅軍寶寅遷大將軍仍爲之掾寶寅雅知重亮凡有
文檄謀議皆以委之尋行武功郡事甚著聲績長孫

稚爾朱天光等西討竝以亮爲郎中專典文翰及賀拔岳爲關西行臺引亮爲左丞典機密

呂思禮初爲後魏關西大行臺賀拔岳郎中與姚弋粦入關俱爲岳所重專掌機密甚有時譽

柳虬初爲後魏馮翊王季海行臺郎中時軍旅務殷虬勵精從事或通夜不寢季海嘗云柳郎中判事我不復重看

李旭初爲後魏綏德公陸通司馬大祖許之旭雖年少通特加接待公私之事咸取決焉

王思政初爲後魏員外散騎侍郎屬萬俟醜奴宿勤

明達等搆亂關右北海王顥率兵討之啓思政隨軍軍中所有謀議竝與參詳

中徽爲太祖夏州記室參軍兼府主簿太祖察徽沉密有度量每事信委之

長孫儉爲太祖夏州錄事深敬器之賀拔岳被害太祖赴平涼凡有經綸謀策儉皆參預

趙肅字慶雍雒陽人太統三年獨狐信東討肅爲司州別駕監督糧儲軍用不匱太祖聞之謂人曰趙肅可謂雒陽主人也

柳敏字白澤爲太祖丞相府戶曹參軍兼記室每有

四方賓客常令主之爰及吉凶禮儀亦令監綜
馮遷爲晉公護府掾性質直小心畏慎雖居樞要不
以勢位加人兼明練時事善於斷決每校閱文簿孜
孜不倦從晨逮夕未嘗休止以此甚爲護所委任
隋陰壽爲高祖丞相掾尉廼之亂帝孝寬以元帥擊
之令壽監軍時孝寬有病不能親摠戎事每卧帳中
遣婦人傳教命三軍綱紀皆取決於壽以功進位上
柱國

盧昌衡爲壽州摠管宇文述長史述甚敬之委以州
務

李圓通爲秦王并州摠管長史王仁柔自弱少斷決
府中事多圓通

唐任瓌陳末爲衡州司馬都督王勇甚敬異之委以
州府之務

裴矩初任隋伐陳之役領元帥記室及陳平晉王令
矩與高頻收陳圖籍歸之秘府

李靖爲趙郡王孝恭行軍長史討蕭銑高祖以孝恭
未更戎旅三軍之任一以委靖

朱仙客開元中爲河西節度蕭嵩判官嵩以軍政委
仙客清勤不倦接待上下必以誠信

裴昇大寶中爲京畿採訪使王鋈判官冕雖無學術
守職通明果於臨事鋈甚委之
常元甫初任滑州白馬尉以吏術知名本道採訪使
常陟深審之奏克支使與同幕判官員錫齊名元甫
精于簡牘錫詳于平覆陟推誠任之時謂員推常狀
呂誼爲隴右河西節度哥舒翰度支判官性謹守勤
下吏職雖同寮追賞而塊然視事不離案簿翰益親
之段秀實至德初爲安西判官父歿喪毀過禮都將
李嗣業授節制思秀實如失左右手表請起復爲義
王友克節度判官

張群爲京兆府司錄肅宗以府尹劉晏判度支晏委
府事於群及杜亞綜大體議論號爲稱職

李復大曆中爲江陵府司錄精曉吏道尹衛伯玉厚
遇之府中之事多以咨委性刻削爲伯玉所信奏爲
江陵令遷少尹

李融大曆中爲福建都團練鮑防判官防移江西融
復爲團練判官政事多決於融

張建封大曆中爲河陽節度馬燧判官李靈曜反於
梁宋間與魏博田悅犄角同爲叛燧與李忠臣同討
平之軍務多以委建封人稱其能

鄭雲遠建中末奉天之難以諫議大夫奔赴行在居數日神策行營節度李晟表爲行軍司馬戎略多咨之王鏐貞元中爲江西節度嗣曹王臯都虞候鏐小心習業事善探府軍情狀至於語言動靜巨細畢以白臯臯亦推心委之雖家醮妻女之會鏐或在焉鏐亦感臯之知事無所避

盧群貞元中爲江西節度嗣曹王臯判官曹王移鎮江陵襄陽羣皆佐使府幕中之事多以咨委以正直

聞

嚴震貞元中爲東川節度判官常收薦爲押衙改鎮

王府司馬嚴武以宗姓之故軍府之事多以委之元義方精於吏理貞元中爲京兆府司錄時常憂鄉李實繼居尹正府之公務一以咨之梁敬翔爲太祖宣武從事太祖與蔡賊相拒累歲城門之外戰聲相聞機畧之間翔頗預之太祖大悅恨得翔之晚故軍謀政術一以諮之蔡賊平奏授太子中允賜緋從平交鄆簡較水部郎中

裴迺太祖至汴延在賓席恩禮甚優厥後每統帥出征咸命主留事迺亦勤瘁夙夜不失所委累遷職至節度判官官至簡較僕射光化初太祖勝於院曰謬

膺重委摠授三藩軍機雖整於拙謀民政全繫於右
席節度裴判官詳明吏理首寇賓筵水蘖不渝始終
如一自此應諸州錢穀刑獄等事並請指揮乃徧報
管內咸遣知委
後唐司空頌爲魏州節度使羅紹威掌書記紹威聚
書萬卷尤工篇什每公私宴集無不屬和幕中皆知
名士而頌益蒙睠遇軍機政術必先圖議誅牙軍之
謀類亦預焉

淳于晏在霍彥威幕相得甚歡及歷數鎮皆爲從事
軍府之事至于私門事無巨細俱取決於晏雖爲幕
賓有若家宰爾後公侯門客徃徃效之時謂之效淳
故彥威所至稱治由晏之力也
晉張彭仕後唐爲真定留守任圜推官事無巨細悉
訪於彭

册府元龜

册府元龜

幕府部

卷之七十一

册府元龜

淮南李嗣京叅閱

西極文翔鳳訂正

豫章黃國琦較釋

幕府部

知識

傳曰知者不失人亦不失言易曰君子見幾而作乃
有受署戎府叅佐郡務咨以策畫賴其協贊漢魏而
下選辟甚盛賢英舉集諸言多在至或深識政本洞
達治要究時之利病知事之善敗察姦宄之情狀辨

強弱之形勢猶預之論立决曠廢之典斯舉援經義以正大體酌物理而見木然用能釋患而解紛成務而宣績道茂乎當世美流乎無窮斯所謂好謀而成其智足使者已

後漢鄭興爲史始丞相李松長史松先入長安令興還奉迎遷都更始諸將皆山東人咸勸留雒陽興說更始曰陛下起自荆楚權政未施一朝建號而山西雄桀爭誅王莽開關郊迎者何也此天下同苦王氏虐政而思高祖之舊德也今又不之臣恐百姓離心盜賊復起矣春秋書齊小白入齊不稱侯未朝廟

故也今議者欲先定赤眉而後入關是不識其本而爭其末恐國家之守轉在幽谷雖臥雒陽庸得安枕乎更始曰朕西决矣

鮑永上黨人爲郎功曹時有矯稱侍中止傳舍者太守趙興欲謁之永疑其詐諫不聽而出興遂駕往永乃拔佩刀截馬當胃乃止後數日詔書果下捕矯稱者永由是知名

鍾離意會稽山陰人少爲郡督郵時部縣亭長有受人酒禮者府下記案考之意封還記人言於太守曰春秋先內後外詩云刑於寡妻以御於家邦明政化

之本自近及遠今宜先清府內且濶畧遠縣細微之
愆太守甚賢之遂任以縣

周章南陽人初仕郡為功曹時大將軍竇憲免封冠
軍侯就國章從太守行春到冠軍太守猶欲謁之章
進諫曰今日公行春豈可越儀私交且憲椒房之親
勢傾王室而退就藩國禍福難量明府剖符大臣千
里重任舉止進退其可輕乎太守不聽遂便升車章
前拔佩刀絕馬鞅於是乃止及憲被誅公卿以下多
以交關得罪太守幸免以此重章

崔瑗辟車騎將軍閭顯府時太后稱制顯入參政事

先是安帝廢太子為濟陰王而以北鄉侯為嗣瑗以
侯立不以正知顯將敗欲說令廢立而顯日沉醉不

能得見乃謂長史陳禪曰中嘗侍江京陳達等得以

嬖寵惑蠱先帝遂使廢黜正統扶立疎孽少帝即位

發病廟中周勃之徵於斯復見呂后立惠帝後宮子
為少帝周勃廢之也

今欲與長史君共求見說將軍白太后收京等廢少

帝引立濟陰王必上當天心下合人望伊霍之功不

下席而立則將軍兄弟傳祚於無窮若拒違天意久

曠神器則將以無罪并辜元惡元大也書曰
元惡大憝此所謂

禍福之會分功之時蔡澤說范雅曰君獨不觀夫博
者乎或欲大投或欲分功今君

相秦生制諸侯使天下皆畏秦此亦秦之分功之時也

禪猶豫未敢從會北鄉

薨孫程立濟陰王是為順帝閭顯兄弟悉伏誅瑗坐被斥門生蘇祇具知瑗謀欲上書言狀瑗聞而遽止之時陳禪為司隸校尉召瑗謂曰第聽祇上書禪請為之証瑗曰此譬猶兒妾屏語爾願使君勿復出口遂辭歸

周舉辟司徒李郃府時宦者孫程等既立順帝誅滅諸閭議郎陳禪以為閭太后與帝無母子恩宜徙別館絕朝見群臣議者咸以為宜舉謂郃曰昔鄭武姜謀殺莊公莊公誓之黃泉秦始皇怨母失行久而隔

絕後感穎考茅焦之言修復子道書傳美之今諸閭新誅太后幽在離宮若悲愁生疾一旦不虞主上將何以令于天下如從禪議後世歸咎明公宜密表朝廷令奉太后率厲群臣朝覲如舊以厭天心以答人望郃即上疏陳之明年正月帝乃朝于東宮太后由此以安

鍾皓為司徒掾公出

臣欽若曰公謂司徒也史失其名

道路泥濘導

從惡其相灑去公車絕遠公推軼言司徒今日為獨行爾還府向聞鈴下不扶令揖掾屬公奮手不顧時舉府掾屬皆投劾出皓為西曹掾即開府門分布曉

語已出者曰臣下不能得自直于君若司隸舉繩墨以公失宰相之禮又不勝任諸君終身何所任邪掾屬以故皆止都官果移西曹掾問室府去意皓召都官吏以見掾屬名示之乃止

何顒南陽人辟司空府每三府掾屬會議顒策謀有餘者皆自以為不及

魏沮授為表紹從事時紹進軍黎陽遣顏良攻劉延於白馬曹公救延與良戰破斬良先是紹臨發授會其宗族散資財以與之曰夫勢在則威無不加亡則不保一身哀哉其弟宗曰曹公士馬不敵君何懼焉

授曰以曹交州之明略又挾天子以為資我雖克公

孫衆 謂公孫

實疲弊而將驕主怵軍之破敗在此舉

也楊雄有言六國蚩蚩為羸弱姬今之謂也及紹將濟河授諫曰勝負變化不可不詳今宜留屯延津分兵官渡若其克獲還迎不晚設其有難衆弗可還紹弗從授臨濟歎曰上盈其志下矜其功悠悠黃河吾其反乎遂以疾辭紹恨之乃省其所部兵屬郭圖紹後果敗

王朗舉孝廉辟公府不應徐州刺史陶謙察朗茂才時漢帝在長安關東兵起朗為謙治中與別駕趙昱

等說謙曰春秋之義求諸侯莫如勤王今天子越在西京宜遣奉承王命謙乃遣昱奉章至長安天子嘉其意拜謙安東將軍以昱為廣陵太守朗會稽太守荀彧為太祖奮武司馬時董卓威陵天下太祖以問彧彧曰卓暴虐已甚必以亂終無能為也國淵為太祖太司空掾屬太祖征關中淵統留事田銀蘇伯反河間銀等既破破賊文書舊以一為十及淵上首級如其實數太祖問其故淵曰夫征討外寇多其斬獲之數者欲以大武功宣示民聽也河間在封域之內銀等叛逆雖克捷有功淵竊耻之太祖大

悅

郭嘉為太祖司空軍祭酒太祖謂嘉曰本初擁冀州之衆青弁從之地廣兵強而數為不遜吾欲討之力不敵如何對曰劉項之不敵公所知也漢祖唯智勝項羽雖疆終為所擒嘉竊料之紹有十敗公有十勝雖兵強無能為也紹繁禮多儀公體任自然此道勝一也紹以逆動公奉順以率天下此義勝二也漢末政失于寬紹以寬濟寬故不攝公糾之以猛而上下知制此治勝三也紹外寬內忌用人而疑之所任唯親戚子弟公外易簡而內機明用人無疑唯才所宜

不問遠近此度勝四也紹多謀少決失在後事公策得軌行應變無窮此謀勝五也紹因累世之資高議揖讓以收名譽之士好言飾外者多歸之公以至心待人推誠而行不爲虛美以儉率下與有功者無所吝士之忠正遠見而有實者皆願爲用此德勝六也紹見人饑寒恤念之形於顏色其所不見慮或不及也所謂婦人之仁爾公于目前小事時有所忽至于大事與四海推恩之所加皆過其望雖所不見慮之所周無不濟也此仁勝七也紹大臣爭權讒言惑亂公御下以道浸潤不行此明勝八也紹是非不可知

公所是進之以禮所不是正之以法此文勝九也紹好爲虛勢不知兵要公少以克衆用兵如神軍人恃之敵人畏之此武勝十也大祖笑曰如卿所言孤何德以堪之後劉備來奔大祖以爲豫州牧或謂大祖曰備有英雄志今不早圖後必爲患大祖以問嘉嘉曰有是然公提劍起義兵爲百姓除暴推誠仗信以招俊傑猶懼其未也今備有英雄名以窮歸已而害之是以害賢爲名則智士將自疑回心擇主公誰與定天下夫除一人之患以沮四海之望安危之機不可不察太祖笑曰君得之矣大祖將北征三郡烏丸

諸將皆曰袁尚亡虜爾夷狄貪而無親豈能爲尚用
今深入征之劉備必說劉表以襲許萬一爲變事不
可悔惟嘉策表必不能任備勸太祖行
何夔爲太祖司空掾屬時有傳袁術軍亂者太祖問
夔曰君以爲信不夔對曰天之所助者順人之所助
者信術無信順之實而望天人之助此不可以得志
于天下夫失道之主親戚叛之而况于左右乎以夔
觀之其亂必矣太祖曰爲國失賢則亡君不爲術所
用亂不亦宜乎
和洽爲太祖丞相掾屬時毛玠崔琰並以忠清幹事

其選用先尚儉節洽言曰天下大器在位與人不可
以一節論也儉素過中自以處身則可以此節格物
所失或多今朝廷之議吏有著新衣乘好車者謂之
不清長吏過營形容不飾衣裘敝壞者謂之廉潔至
令士大夫故汗辱其衣藏其輿服朝府大吏或自挈
壺飡以入官寺夫立教觀俗貴處中庸爲可繼也今
崇一槩難堪之行以簡殊塗激而爲之必有疲瘁古
之大教務在通人情而已凡激詭之行則容隱僞美
程昱爲奮武將軍太祖征馬超文帝留守使昱叅軍
事田銀蘇伯等反河間遣將軍賈信討之賊有千餘

人請降議者皆以爲宜如舊法昱曰誅降者謂在擾攘之時天下雲起故圖而後降者不赦以示威天下開其利路使不至于圍也今天下畧定且在邦域之中此必降之賊殺之無所威懼非前日誅降之意臣以爲不可誅也縱誅之宜先啟聞衆議者曰軍事有專無請昱不答文帝起入特引見昱曰君有所不盡邪昱曰凡專命者謂有臨時之急呼吸之間者爾今此賊制在賈信之手無朝夕之變故老臣不願將軍行之也文帝曰君慮之善卽白太祖太祖果不誅太祖還聞之甚說謂昱曰君非徒明于軍討又善處人

父子之間

田豫字國讓公孫瓚使守東州令瓚敗而鮮于輔爲國人所推行太守事素善豫以爲長史時英傑並起輔莫知所從豫謂輔曰終能定天下者必曹氏也宜遂歸命無後禍期輔從其計因受封寵太祖召豫爲丞相軍謀掾

蜀王商爲益州牧劉璋治中從事初韓遂與馬騰作亂關中數與璋父焉交通信至騰子超復與璋相聞有連蜀之意商謂璋曰超勇而不仁見得不思義不可以爲唇齒老子曰國之利器不可以示人今之益

部土美民豐寶物所出斯乃狄夫所欲傾覆超等所以西望也若引而近之則猶養虎將自遺患矣璋從其言乃拒絕之

黃權爲劉璋主簿時別駕張松建議宜迎先主使伐張魯權諫曰左將軍有驍名今請到欲以部曲遇之則不滿其心欲以賓客禮待則一國不容二君若客有泰山之安則主有累卵之危可但閉境以待河清璋不聽竟遣使迎先主出權爲廣漢長

楊洪爲定蜀太守李嚴功曹先主爭漢中急書發兵軍師將軍諸葛亮以問洪洪曰漢中則益州咽喉存亡之機會若無漢中則無蜀矣此家門之禍也方今之事男子當戰女子當運發兵何疑

周群爲先主儒林較尉先主欲與魏太祖爭漢中問羣羣對當得其地不得民也若出偏軍必不利當戒慎之時後部司馬張裕天才過群諫先主曰不可爭漢中軍必不利先主竟不用裕言果得地而不得民也遣將軍吳蘭雷銅等入武都皆沒不還悉如羣言吳蘭徽爲大帝主簿嘗近出行見營軍將一男子至市行刑問之何罪云盜百錢徽語使任湏臾馳詣闕陳啓方今畜養士衆以圖北虜視此兵丁健兒且所

盜少愚乞哀原帝許而嘉之轉東曹掾

潘濬爲大帝荊州治中軍事一以諮之武陵部從事樊佃誘導諸夷圖以武陵屬劉備外白羗督督萬人往討之帝不聽特召問濬濬荅以五千兵往足以擒佃帝曰卿何以輕之濬曰佃是南陽舊姓徒能弄唇吻而實無辨論之才臣所以知之者佃昔嘗爲州人設饌比至日中食不可得而十餘自起此亦侏儒觀一節之驗也帝大笑而納其言卽遣濬將五千往果斬平之

晉唐彬魯國鄒人爲郡門下掾轉主簿刺史王沉集

諸叅佐盛論距吳之策以問九郡吏彬與譙郡主簿張惲俱陳吳有可兼之勢沉善其對又使彬難言吳未可伐者而辭理皆屈後爲文帝叅軍鄧艾之誅也帝以艾久在隴右素得士心一旦夷滅恐邊情騷動使彬密察之彬還白帝曰鄧艾忌克詭狹矜能負才順從者謂爲見事直言者謂之觸逆雖長史司馬叅佐牙門答對失指輒見罵辱處身無禮大失人心又好施行事役數勞衆力隴右甚患苦之喜聞其禍不肯爲用今諸軍已至足以鎮壓外內願無以爲慮荀勗爲文帝從事中郎領記室時官騎賂遺求爲刺

客入蜀勗言于帝曰明公以至公宰天下宜仗正義以伐違貳而名以刺客除賊非所謂刑于四海以德服遠也帝稱善時鍾會謀叛審問未至而外人先告之帝待會甚厚未之信也勗曰會雖受恩然其性未可許以見得思義不可不速爲之備帝卽出鎮長安杜軫蜀郡成都人爲郡功曹吏時鄧艾至成都軫白太守曰今大軍來征必除舊布新明府宜避之此全福之道也太守乃出艾果遣其叅軍牽引自之郡引問軫前守所在軫正色對曰前守達去就之機輒自出官舍以俟君子引噐之命復爲功曹軫固辭

魏舒爲相國叅軍府朝碎務未嘗見是非至於廢興大事衆人莫能斷者舒徐爲籌之多出衆議之表潘京武陵漢壽人辟郡主簿後立太廟州郡皆遣使賀京白太守曰夫太廟立移神主應問訊不應賀遂遣京作文使詣京師以爲永式

陳頽字延思元帝遷鎮東頽行叅軍事典法兵二曹建興初制板補錄事叅軍叅佐掾屬多設辭故以避事任頽議諸寮屬乘昔西臺養望餘弊小心恭肅更以爲俗偃蹇倨慢以爲優雅至今朝士縱誕臨事遊行漸弊不革以至傾國故百尋之屋突直而燎焚千

里之隄蟻垤而穿敗古人防小以全大慎微以杜萌
自今臨使稱疾須催乃行者皆免官初趙王篡位三
王起義制已亥格其後論功雖小亦皆依用額意謂
不宜以爲嘗式駁之曰聖王縣爵賞功制罰糾違斯
道苟明人赴水火且各器之實不丁妄假非才謂之
致寇寵厚戒在斯亡昔孫秀口唱篡逆手弄天機惠
皇失御九服無戴三王建義席捲四海合起義之衆
結天下之心故設已亥義格以權濟難此皆一切之
法非嘗倫之格也其起義以來依格雜假遭人爲侯
或加兵伍或出皂僕金紫佩士卒之身符策委傭隸

之門使天官降辱王爵黷賤非所以正皇綱重名器
之謂也請自今以後宜停之

顧和爲王導楊州從事導遣八部從事之部和爲下
傳還同時俱見諸從事各言二千石官長得失和獨
無言導問和卿何所聞答曰明公作輔寧使網漏吞
舟何緣採聽風聞以察察爲政導咨嗟稱善
毛寶爲溫嶠平南叅軍蘇峻作逆嶠將赴難而征西
將軍陶侃懷疑不從嶠屢說不能迴更遣使順侃意
曰仁公且守僕宜先下遣信已二日會寶別使還聞
之說嶠曰凡舉大事當與天下共同衆克在和

有異假令可疑猶當外示不覺况自作疑邪便宜急
追信改舊書說必應俱征若不及前信宜更遣使嶠
意悟即遣信改書侃果共征峻

羅含爲桓温征西叅軍温嘗使含詣太守謝尚有所
檢劾含至不問郡事與尚累日酣飲而還温問所劾
事含曰公謂尚何如人温曰勝也含曰豈有勝我公
而行非邪故一無所問温奇其意而不責焉

殷仲堪爲謝玄冠軍長史致書于玄曰胡亡之後中
原子女鬻於江東者不可勝數骨肉星離荼毒終年
怨苦之氣感傷和理誠喪亂之嘗足以懲戒復非王

澤廣潤愛育蒼生之意也當世大人旣慨然經畧將
以救其塗炭而使理至於此良可歡息願節下引之
以道德運之以神明隱心以及物垂理以禁暴使足
踐晉境者必無懷感之心枯槁之顛莫不同漸天潤
仁義與干戈並運德心與功業俱隆實所期於明德
也頃聞抄掠所得多皆採稻饑人壯者欲以救子少
者志在存親行者傾箱以顧念居者吁嗟以待延而
一旦幽繫生離死絕求之於情可傷之甚昔孟孫獵
而得麋使秦西以之歸其母隨而悲鳴不忍而放之
孟孫赦其罪以傳其子禽獸猶不可離况於人乎夫

鴟鶚惡鳥也食桑甚猶懷好音雖曰戎狄其無情乎苟感之有物非難化也必使邊界無貪小利強弱不得相陵德音一發必聲振沙漠二寇之黨將靡然向風何憂黃河之不開哉玄深然之

宋胡藩爲高祖鎮軍叅軍事從征鮮卑賊保廣固累月未拔之夜佐史竝集忽有烏大如鶩蒼黑色飛入高祖帳裏衆皆駭愕以爲不祥藩起賀曰蒼黑者胡虜之色胡虜歸我大吉之祥也明日攻城陷之

臧熹爲東海太守叅高祖車騎中軍軍事高祖將征廣固議者多不同熹從容言曰公若凌威北境拯其

塗炭寧一六合未爲無期高祖曰卿言是也

謝景仁爲高祖車騎司馬義熙中高祖以內難既寧思弘外畧將伐鮮卑朝議皆謂不可劉毅時鎮姑孰固止高祖以爲符堅侵境謝大傳猶不自行宰相遠出傾動根本景仁獨曰公建桓文之烈應天人心興復皇祚芟夷姦逆雖業高振古而德刑未孚宜推卞固存廣樹威畧鮮卑密邇疆甸屢犯邊陲伐罪弔民于是乎在平定之後養銳息徒然後觀兵雒泗修復園寢豈有坐長寇虜縱敵貽患者哉高祖納之張邵爲揚州王謐主簿劉毅爲亞相愛才好士當世

莫不輻湊獨邵不往或問之邵曰主公命世人傑何煩多問劉穆之聞以白高祖高祖益親之轉大尉參軍署長流賊曹盧循寇迫京師使邵守南城時百姓臨水望賊帝怪而問邵邵曰若節鉞未反奔散之不暇亦何能觀望今當無復恐爾後遷世子中軍諮謀參軍時高祖北伐邵與劉穆之掌留務青州刺史檀祗鎮廣陵時滁州結聚亡命祗率衆掩之劉穆之恐以爲變將發軍邵曰檀韶據中流道濟爲軍首若疑狀發露恐生大變宜且遣慰勞以觀其意旣而祗果不動及穆之卒朝廷恐懼便欲發詔以司馬徐羨之

代之邵對曰今誠急疾任終在徐且世子無專命宜須諮之信反方使世子出命曰朝廷及大府事悉諮徐司馬其餘啓還武帝重其臨事不撓有大臣體王懿字仲德爲高祖中兵參軍及盧循寇逼敗劉毅于桑維帝北伐始還士卒創夷堪戰者可數千人賊衆十萬舳艫百里奔敗而歸者咸稱其雄衆議竝欲遷都仲德正色曰今天子當陽而治明公命世作輔新建大功威震六合妖賊豕突乘我遠征旣聞凱入將自奔散今自投草間何以威物此謀若行請自此辭武帝悅之後遷諮議參軍帝欲遷都雜陽衆議咸

以爲宜仲德曰非嘗之事嘗人所該今暴師日久士有歸心固當以建業爲王基侯文軌大同然後議之可也帝深納之使衛送姚泓先還彭城

申永爲劉毅府諮議叅軍高祖初誅毅領荊州問永曰今日何施而可永曰除其宿讐倍其惠澤貫敘門次顯擢才能如此而已

王華爲文帝湘州司馬帝入奉大統以少帝見害疑不敢下華建議曰羨之等授寄崇言未容便敢背德廢主若存憂其將來受禍致此就害盖由每生情多

每貪也

寧敢一朝頓懷逆志且三人勢均莫相推服不

過欲握權自固以少王仰待爾今日就微萬無所慮

文帝從之

張永爲江夏王義恭大司馬從事中郎領中兵時使百僚獻讜言永以爲宜立諫官開不諱之路講師旅示安不忘危

張暢爲孝武安北長史沛郡太守元嘉二十七年魏大武南侵太尉江夏王義恭總統諸軍出鎮彭城時大武親率大衆已至蕭城去彭城十數里彭城衆雖多而軍食不足義恭欲棄彭城南歸計議彌日不定時歷城衆少食多安北中兵叅軍沈慶之建議欲以

車營爲函箱陳精兵爲外翼奉二王及妃媛宜趣歷城分兵配護軍蕭思話留守大尉長史何勗不同欲席卷奔薊洲自海道還京都義恭去意已判惟二議未決更集群僚謀之衆咸皇擾莫有異議暢曰若歷城薊洲有可至之理下官敢不高談今城內乏食百姓咸有走情但以關扃嚴固欲去莫從爾若一旦動脚則各自散走欲至所在何由可得今軍食雖寡朝夕猶未窘罄量其欲盡臨時更爲其宜豈有舍萬安之術而就危亡之道若此計必用下官請以頸血污公馬蹄孝武旣聞暢議謂義恭曰阿父旣爲總統去

留非所敢平道民忝爲城主而損威延寇其爲愧慙亦已深矣委鎮奔逃實無顏復奉朝廷當與此城共其存沒張長史言不可異也暢言旣堅孝武又贊成其議義恭乃止及魏軍自瓜步北走經彭城下過遣人語城內食盡且去酒麥熟更來義恭大懼閉門不敢追之慮期又至議欲芟麥剪苗移民堡聚論竝不同復更會議鎮軍錄事參軍王孝孫獨曰虜不能復來旣自可保如其更至此議亦不可立百姓閉在內城饑饉日久方春之月野採自資一人堡聚饑死立至民知必死何可制邪虜若必來芟麥未晚四坐默

然莫之敢對暢曰孝孫之議實有可尋鎮軍府典籤董元嗣侍帝側進曰王錄事義不可奪實如來論暢欽板白帝曰下官欲命孝孫彈子夏別駕王子夏也帝曰王別駕有何事邪暢曰芟麥移民可謂大議一方安危事係于此子夏親為州端曾無同異及聞元嗣之言則懽笑酬答阿意左右何以事君子夏大慙元嗣亦有愧色義恭之議遂寢文帝聞暢屢有正議甚嘉之沈懷文為西陽王子尚揚州別駕從事史時熒惑守南斗孝武乃廢西州舊館使子尚移居東城以厭之懷文曰天道示變且應之以德今雖空西州恐無益

也帝不從而西州竟廢
 南齊劉善明為太祖驃騎諮議沈攸之反太祖深以為憂善明口攸之控引八州縱情蓄歛收眾聚騎營造舟仗包藏賊志於焉十年性既險躁才非持重而起逆累旬遲回不進豈有所待也一則暗於兵機二則人情離怨三則有掣肘之患四則天奪其魄本慮其剽勇長于一戰疑其輕速掩襲未備今六師齊奮諸侯同舉昔謝晦失理不關自潰盧龍乖道雖眾何施且袁粲劉秉賊之根本根本既滅枝葉豈久此是已籠之鳥爾及事平太祖謂善明日卿策沈攸之雖

復張良陳平適如此耳
 梁江淹字文通宋末齊高祖輔政聞其才召為尚書
 駕部郎驃騎參軍事俄而荊州刺史沈攸之作亂帝
 謂淹曰天下紛紛若是君謂何如淹對曰昔項強而
 劉弱袁衆而曹寡羽號令諸侯卒受一劍之辱紹跨
 躡四州終為奔北之虜此謂在德不在勢公何疑哉
 帝曰聞此言者多矣試為慮之淹曰公雄武有奇畧
 一勝也寬容而仁恕二勝也賢能必立三勝也民望
 所歸四勝也奉天子而伐叛逆五勝也彼志銳而器
 小一敗也有威而無息二敗也士卒解體三敗也緝

緝不懷四敗也懸兵數千里而無回惡相濟五敗也
 故雖豺狼十萬而終為我獲焉帝笑曰君談過矣
 柳忱仕齊為西中郎主簿功曹史東昏遣巴西太守
 劉山陽內荊州襲高祖西中郎長史蕭穎胄計未有
 定召忱及其所親席闡文等夜入議之忱曰朝廷任
 恃為惡日滋頃聞京中長者莫不重足累息今幸在
 遠得假日自安雍州之事且藉以相斃爾獨不見蕭
 令君乎以精兵數千破崔氏十萬衆竟為群邪所陷
 禍酷相尋前事不忘後事之師也若使彼凶心已逞
 豈知使君不旋踵而及且雍州士銳糧多蕭使君雄

姿冠世必非山陽所能擬若破山陽荊州復受失律之責進退無可且深慮之闡文亦深勸同高祖穎胄乃誘斬山陽以忱爲寧朔將軍高柔爲將軍以闡文爲中書郎以穎胄善和帝稱尊號時穎胄暴卒州府搔擾闡文以和帝幼弱中流任重時始與王儋留鎮雍部乃與西朝群臣迎王德州事故賴以寧輯

庾城爲長沙宣武王梁州錄事叅軍帶華陽太守時魏軍攻圍南鄭州有空倉數十所城封題指示將士云此中粟皆滿足支二年但努力堅守衆心以安虜

退以功拜羽林監

陳毛喜初爲宣帝叅軍時廢帝冲昧宣帝錄尚書輔政僕射到仲舉等知朝望有歸乃啓太后令遣宣帝還東府當時疑懼無敢厝言喜卽馳入謂宣帝曰陳有天下日淺海內未夷兼國禍併鍾萬邦危懼皇太后深惟社稷至計令王入省方當共康庶績比德伊周今日之言必非太后之意宗社之重願加三思以喜之愚湏更聞奏無使姦賊得肆其謀竟如其策

後魏温子昇爲上黨王天穆行臺郎中時天穆討邢果元顥入雒天穆召子昇問曰卽欲向京師爲隨我

北渡對曰主上以虎牢失守致此狼狽元顥新入人情未安今往討之必有征無戰王若克復京師奉迎大駕桓文之舉也捨此北渡竊爲大王惜之天穆善之而不能用遣子昇還雒顥以爲中書舍人莊帝還宮爲顯任使者多被廢黜子昇復爲舍人天穆每謂子昇曰恨不用卿前計兼四庫全書北齊封子繪爲大行臺吏部郎中武定元年高仲密以武牢西叛周文帝擁衆東侵高祖於邳山破之乘勝長驅遂至潼關或諫不可窮兵極武者高祖總命群僚議其進止子繪言曰賊帥才非人雄偷竊名號

遂敢驅率亡叛送死伊瀝天道禍淫一朝瓦解雖僅以身免而魂膽俱喪混一車書正在今日天與不取反得其咎時難遇而易失昔魏祖之征漢中不乘勝而取巴蜀失在遲疑悔無及已伏願大王不以爲疑高祖深然之但以時旣盛暑方爲後圖遂命班師後周陸通爲太祖憂州帳內督頃之賀拔岳爲侯莫陳悅所害時有傳軍府已亡散者太祖憂之通以爲不然數日問至果如所策善隋惠帝曰蘇綽爲太祖大將軍行臺郎中在官歲餘太祖未深知之然諸曹疑事皆詢於綽而後定所行公文綽又

為之條式臺中咸稱其能後太祖與僕射周惠達論
 事惠達不能對請出外議之乃召綽告以其事綽即
 為量定惠達人呈太祖稱善謂惠達曰誰與卿為此
 議者惠達以綽對因稱有王佐之才太祖曰吾亦聞
 之久矣尋除著作佐郎

宇文深為太祖丞相府直閣齊神武率大衆渡河涉
 路至于沙苑諸將皆有懼色唯深獨賀太祖詰之曰
 賊來充斥何賀之有對曰高歡之撫河北甚得衆心
 雖乏智謀人皆用命以此自守未易可圖今懸師渡
 河北非衆所欲唯歡耻失竇氏懷諫而來

臣欽若尋
曰竇氏即

齊將竇泰為
周太祖所獲

所謂忿兵一戰可以擒也此事昭然可

見不賀何為請假深一節發王羆之兵邀其走路使
 無遺類矣太祖然之尋而大破齊神武軍如深所策
 隋薛道衡開皇八年伐陳授淮南道行臺尚書吏部
 郎兼掌文翰王師臨江高穎夜坐幕下謂之曰今日
 之舉克定江東與不君試言之道衡答曰凡論大事
 成敗先須以至理斷之禹貢所載九州本是王者封
 域後漢之季群雄競起孫權兄弟遂有吳楚之地晉
 武受命尋又吞併永嘉南遷重自分割自爾以來戰
 爭不息否終斯泰天道之嘗郭璞有云江東偏王三

百年還與中國合今數將滿矣以運數而言其必克一也有德者昌無德者亡自古興滅皆由此道至土躬履恭儉憂勞庶政叔寶峻宇雕牆酣酒荒色上下離心人神同憤其必克二也爲國之體在于任寄彼之公卿備員而已按小人施文慶委以政事尚書令江總惟事詩酒本非經畧之才蕭摩訶任蠻奴是其大將一夫之用爾其必克三也我有道而大彼無德而小量其甲士不過十萬西自巫峽東至滄海分之則勢懸而力弱聚之則守此而失彼其必克四也席卷之勢其在不疑穎欣然曰君言成敗事理分明吾

今豁然矣本以才學相期不意籌畧乃爾
唐常倫天寶中爲楊國忠所署鑄錢內作使判官國忠恃權寵又邀名稱多徵諸州縣農人鑄錢農夫旣非本色工匠被所由抑令就役多遭捶罰人不聊生倫曰國忠鑄錢須得本色人抑令百姓農人爲充費力無功人且興謗請厚懸估價募工曉者爲之由是役使減少而益鑄錢之數
班宏爲劍南西川節度高適判官時青城山有妖賊張居安以左道惑衆事覺多誣引大將冀緩日月軍吏皆恐懼宏驗理而速殺之人心乃安

杜黃裳爲郭子儀朔方從事子儀入朝令主留務于朔方部將李懷光與監軍設謀將伐子儀乃僞爲詔書欲誅大將溫儒雅等黃裳立辨其僞以示懷光懷光流汗伏罪諸將有難制者黃裳矯子儀命盡出之數月而難不作

盧坦爲義成軍節度使李復判官復疾篤監軍事薛盈珍慮變遽封府庫入其麾下五百人于使衙軍士恟恟坦密言于盈珍促收之及復卒坦護復喪歸東都

劉昌胤爲陳許節度曲環判官環卒詔上官浣知節

度留後時淮西吳少城攻許州浣新領事欲去城走昌胤追止之曰留後旣受詔宜以死守况城中士馬足以破賊但堅壁不戰不過五六日賊勢必衰我以全制之可也浣然之

張弘靖爲東都留守杜亞從事留守將令狐運逐禽獸出郊其日有劫轉運絹子道者亞以運豪家子意其爲之乃令判官穆員及弘靖同鞠其事員與弘靖皆以運職在衙門必不爲盜堅請不按亞不聽遂以獄聞仍斥員及弘靖出幕府有詔令三司使雜治之後果於河南界得賊

裴向建中初爲同州刺史李紆從事朱泚反李懷光又叛河中使其將趙貴先築壘于同州紆來奔奉天向領州務貴先因賀縣尉林寶役徒板築不及期將斬之吏人百姓奔竄向卽詣貴先軍壘以順逆之理貴之貴先感悟遂來降故同州不陷向繇是知名意後唐任圍爲潞州觀察判官嘗山之役李嗣昭爲帥卒于軍圍代摠其事號令如一敵人不知莊宗聞之倍加獎賞

歸之大噐在手矣公宜表率西諸侯入覲何遲疑若此稍稍達于外則後悔無及矣德琬然之乃馳使人覲朝廷知蔚有其力尋徵拜虞部員外郎段希堯初爲晉高祖從事清泰中晉祖總戎於代北一日軍亂呼萬歲晉祖惑之希堯曰夫兵猶火也弗戢將自焚遽請戮其亂首乃止

册府元龜

幕府部

物原元龜

知識二

卷之七百二十七

